



BAB 11

PROFIL GRADUAN DIPLOMA
(WARGANEGARA) YANG
BELUM BEKERJA 2008

BAB 11


PROFIL GRADUAN DIPLOMA (WARGANEGARA) YANG BELUM BEKERJA 2008

11.0 Pendahuluan

Bahagian ini membincangkan tentang graduan Diploma (warganegara) 2008 yang menyatakan belum bekerja semasa kajian ini dijalankan. Antara maklumat yang dianalisis ialah profil pencapaian akademik, pendapatan keluarga, sebab mengapa belum bekerja, kemahiran yang ingin diikuti oleh graduan, temu duga yang pernah dihadiri dan sektor pekerjaan yang dipilih mengikut keutamaan. Secara keseluruhannya, seramai 9,405 graduan Diploma yang memberi respons dalam kategori belum bekerja. Daripada jumlah ini, 4,489 ialah graduan Politeknik, 2,565 graduan IPTA dan 2,351 graduan IPTS.

11.1 Sebab Mengapa Graduan Diploma (Warganegara) 2008 Belum Bekerja


Sebahagian besar (61.1%) graduan yang belum bekerja menyatakan mereka sedang mencari pekerjaan dan sebanyak 27.9 peratus sedang menunggu penempatan untuk melanjutkan pengajian. Terdapat juga sebahagian kecil graduan yang menyatakan sebab lain seperti ingin berehat (2.2%), pekerjaan yang ditawarkan tidak sesuai (2.1%), tanggungjawab terhadap keluarga (1.9%), kurang keyakinan diri (1.1%), memilih untuk tidak bekerja (0.4%) dan tidak minat untuk bekerja (0.4%). Mengikut kategori IPT, 49.4 peratus graduan IPTA, 62.3 peratus bagi graduan IPTS dan 67.2 peratus graduan Politeknik yang belum bekerja menyatakan mereka sedang mencari pekerjaan (Jadual 11.1 dan Rajah 11.1).



Rajah 11.1: Sebab Mengapa Graduan Diploma (Warganegara) Belum Bekerja, 2008.

11.2 Graduan Diploma (Warganegara) 2008 yang Belum Bekerja Mengikut Bidang Pengajian Utama

Secara keseluruhannya, graduan dalam dua bidang pengajian utama iaitu Teknikal (43.8%) dan bidang Sastera & Sains Sosial (38.7%) mencatatkan peratus tertinggi bagi kategori belum bekerja. Manakala 1.2 peratus sahaja graduan dalam bidang Pendidikan berada dalam kategori ini. Bagi IPTA dan IPTS, graduan dalam bidang Sastera & Sains Sosial mencatatkan peratus tertinggi (lebih 45%) bagi kategori belum bekerja. Bagi graduan Politeknik pula, sebanyak 67.3% peratus ialah graduan dalam bidang Teknikal dan diikuti graduan Sastera & Sains Sosial sebanyak 28.8 peratus (Jadual 11.2 dan Rajah 11.2).



Rajah 11.2: Graduan Diploma (Warganegara) yang Belum Bekerja Mengikut Bidang Pengajian Utama, 2008.

11.3 Graduan Diploma (Warganegara) 2008 yang Belum Bekerja Mengikut Pencapaian Akademik

Dari sudut pencapaian akademik, graduan yang berada dalam kumpulan PNGK 3.00 – 3.49 menunjukkan peratus tertinggi (41.1%) dalam kategori belum bekerja, dan diikuti kumpulan PNGK 2.50 – 2.99 (38.4%). Namun, terdapat juga 12.4 peratus graduan dengan PNGK 3.50 ke atas yang belum bekerja. Corak pencapaian akademik graduan yang belum bekerja hampir sama bagi graduan IPTA dan IPTS, masing-masing mencatatkan peratus tertinggi dalam kumpulan PNGK 2.50 – 2.99. Sebaliknya bagi Politeknik, peratus tertinggi (55.9%) yang belum bekerja berada dalam kumpulan PNGK 3.00 – 3.49 (Jadual 11.3).

11.4 Graduan Diploma (Warganegara) 2008 yang Belum Bekerja Mengikut Pendapatan Bulanan Keluarga

Dari sudut sosioekonomi, sebanyak 47.5 peratus graduan yang belum bekerja terdiri daripada mereka yang mempunyai pendapatan bulanan keluarga yang kurang daripada RM1001 sebulan, diikuti dengan pendapatan keluarga RM1001 – RM1500 (19.7%). Peratus graduan IPTA, IPTS dan Politeknik berada dalam kumpulan pendapatan bulanan keluarga kurang daripada RM1001 agak tinggi, iaitu masing-masing 44.8, 37.8 dan 54.1 peratus (Jadual 11.4).

11.5 Program Latihan Tambahan untuk Graduan Diploma (Warganegara) 2008 yang Belum Bekerja bagi Meningkatkan Peluang Pekerjaan

Graduan turut ditanya tentang program latihan tambahan yang diperlukan bagi membantu meningkatkan kemahiran diri untuk mendapatkan pekerjaan. Respons yang diterima daripada graduan yang belum bekerja mendapati Kemahiran Bahasa Inggeris menjadi pilihan utama dengan lebih 75 peratus memilih program ini. Ini diikuti program Kemahiran ICT dan program Pembangunan Kerjaya. Ketiga-tiga kategori IPT juga mencatatkan peratus tertinggi memilih untuk mengikuti program Kemahiran Bahasa Inggeris. Program seterusnya yang ingin diikuti oleh graduan IPTA dan IPTS ialah program Pembangunan Kerjaya, manakala graduan Politeknik pula memilih program Kemahiran ICT (Jadual 11.5).

11.6 Kekerapan Graduan Diploma (Warganegara) 2008 yang Belum Bekerja Menghadiri Temu Duga

Bagi graduan Diploma yang belum bekerja, 63.2 peratus menyatakan pernah menghadiri temu duga 1 – 5 kali. Manakala 32.6 peratus menyatakan tidak pernah menghadiri temu duga. Dalam kalangan graduan IPT, graduan Politeknik menunjukkan peratus tertinggi (68.0%) yang pernah menghadiri temu duga sebanyak 1 – 5 kali, diikuti graduan IPTS (61.7%) dan IPTA sebanyak 56.1 peratus (Jadual 11.6).

11.7 Sektor Pekerjaan Pilihan Mengikut Keutamaan bagi Graduan Diploma (Warganegara) 2008 yang Belum Bekerja

Dari sudut pemilihan sektor pekerjaan, sektor kerajaan (61.5%) merupakan pilihan pertama mereka. Sektor pekerjaan pilihan yang kedua ialah badan berkanun (38.6%), pilihan seterusnya ialah sektor swasta tempatan (29.7%) dan swasta multinasional/asing (28.5%). Manakala bekerja sendiri/keusahawanan menjadi pilihan terakhir, iaitu sebanyak 36.3 peratus (Jadual 11.7).

BAB 11:
PROFIL GRADUAN DIPLOMA
(WARGANEGARA)
YANG BELUM BEKERJA
2008

**J
A
D
U
A
L**

Jadual 11.1: Sebab Mengapa Graduan Diploma (Warganegara) Belum Bekerja Mengikut IPT, 2008.

Sebab Mengapa Belum Bekerja	IPTA (n=2565)	IPTS (n=2351)	Politeknik (n=4489)	Keseluruhan (n=9405)
Sedang mencari pekerjaan	49.4	62.3	67.2	61.1
Menunggu penempatan melanjutkan pengajian	35.4	26.0	24.6	27.9
Ingin berehat	3.2	2.2	1.5	2.2
Kerja yang ditawarkan tidak sesuai	2.8	2.0	1.8	2.1
Tanggungjawab terhadap keluarga	2.6	2.3	1.4	1.9
Kurang keyakinan diri untuk memasuki dunia pekerjaan	1.9	0.9	0.6	1.1
Masalah kesihatan	0.5	0.4	0.4	0.5
Memilih untuk tidak bekerja	0.7	0.6	0.2	0.4
Tidak berminat untuk bekerja	0.7	0.4	0.2	0.4
Lain-lain	2.7	2.9	2.0	2.4
Jumlah	100	100	100	100

Jadual 11.2: Graduan Diploma (Warganegara) yang Belum Bekerja Mengikut Bidang Pengajian Utama dan IPT, 2008.

Bidang Pengajian Utama	IPTA (n=2565)	IPTS (n=2351)	Politeknik (n=4489)	Keseluruhan (n=9405)
Sastera & Sains Sosial	47.5	48.0	28.8	38.7
Sains	16.7	11.8	1.4	8.2
Teknikal	28.3	15.7	67.3	43.8
Teknologi Maklumat & Komunikasi	7.5	19.5	2.5	8.1
Pendidikan	-	5.0	-	1.2
Jumlah	100	100	100	100

Jadual 11.3: Graduan Diploma (Warganegara) yang Belum Bekerja Mengikut Pencapaian Akademik dan IPT, 2008.

Pencapaian Akademik	IPTA (n=2565)	IPTS (n=2351)	Politeknik (n=4489)	Keseluruhan (n=9405)
Lulus	-	1.1	-	0.3
2.00 – 2.49	11.1	17.7	0.8	7.8
2.50 – 2.99	56.6	45.8	24.1	38.4
3.00 – 3.49	26.7	28.5	55.9	41.1
3.50 – 3.69	4.1	4.6	14.9	9.3
3.70 – 4.00	1.5	2.4	4.4	3.1
Jumlah	100	100	100	100

Jadual 11.4: Graduan Diploma (Warganegara) yang Belum Bekerja Mengikut Pendapatan Bulanan Keluarga dan IPT, 2008.

Pendapatan Bulanan Keluarga	IPTA (n=2565)	IPTS (n=2351)	Politeknik (n=4489)	Keseluruhan (n=9405)
RM500 ke bawah	13.4	9.4	16.5	13.9
RM501 – RM1000	31.4	28.4	37.6	33.6
RM1001 – RM1500	19.5	21.7	18.8	19.7
RM1501 – RM2000	12.4	13.9	9.8	11.5
RM2001 – RM2500	7.1	8.0	5.9	6.8
RM2501 – RM3000	6.4	7.1	4.8	5.8
RM3001 – RM5000	6.1	6.8	4.7	5.6
RM5001 dan ke atas	3.7	4.6	1.9	3.1
Jumlah	100	100	100	100

Jadual 11.5: Program Latihan Tambahan Pilihan Graduan Diploma (Warganegara) yang Belum Bekerja Mengikut IPT, 2008.

Program Latihan Tambahan	IPTA (n=2094)	IPTS (n=1950)	Politeknik (n=3759)	Keseluruhan (n=7803)
Kemahiran Interpersonal	55.2	48.4	48.4	50.2
Kemahiran Bahasa Inggeris	75.9	79.0	83.0	80.1
Kemahiran ICT	55.1	59.6	62.3	59.7
Latihan Keusahawanan	54.5	50.1	47.2	49.9
Pembangunan Kerjaya	55.7	59.8	55.9	56.8

Nota: Merujuk kepada graduan yang memerlukan latihan tambahan dalam kalangan graduan yang belum bekerja.

Jadual 11.6: Kekerapan Graduan Diploma (Warganegara) yang Belum Bekerja Menghadiri Temu Duga Mengikut IPT, 2008.

Kekerapan	IPTA (n=2527)	IPTS (n=2327)	Politeknik (n=4473)	Keseluruhan (n=9327)
1 - 5 kali	56.1	61.7	68.0	63.2
6 - 10 kali	2.8	3.9	3.8	3.5
11 - 15 kali	0.2	0.3	0.4	0.3
16 - 20 kali	0.1	0.1	0.2	0.2
21 dan ke atas	0.1	0.1	0.2	0.1
Tidak pernah	40.6	33.9	27.4	32.6
Jumlah	100	100	100	100

Nota: Graduan yang menyatakan sebab memilih untuk tidak bekerja dan tidak berminat untuk bekerja tidak perlu menjawab soalan ini.

Jadual 11.7: Sektor Pekerjaan Pilihan Mengikut Keutamaan bagi Graduan Diploma (Warganegara) yang Belum Bekerja, 2008.

Sektor Pekerjaan	Pilihan Mengikut Keutamaan					Jumlah Responden
	1	2	3	4	5	
Kerajaan	61.5	7.4	4.7	4.9	21.5	9327
Badan Berkanun	5.5	38.6	21	25	9.8	9327
Swasta Multinasional/Asing	11	12.8	28.5	21.1	26.7	9327
Swasta Tempatan	6.1	28.1	29.7	30.4	5.8	9327
Bekerja Sendiri/Keusahawanan	16.0	13.1	16.1	18.6	36.3	9327

Nota: Graduan yang menyatakan sebab memilih untuk tidak bekerja dan tidak berminat untuk bekerja tidak perlu menjawab soalan ini.

ISSN 2180 - 1800

ISBN 978-983-3663-39-2



9 789833 663392

BAHAGIAN PERANCANGAN DAN PENYELIDIKAN
Kementerian Pengajian Tinggi Malaysia
Aras 3, Blok E3, Kompleks E
Pusat Pentadbiran Kerajaan Persekutuan
62505 Putrajaya

www.mohe.gov.my